

-----কাঠগোলাপ-----

অৰ্ণব সামন্ত

(CSE/22/168)

তুমি একবার চেয়েই দেখো।

শ্বেত পদ্ব নাইবা দিলাম,

কাঠগোলাপে ভরিয়ে দেবো।

নীৰব শীতল আলতো হাওয়ায় নিখোঁজ আমায় আবার পাবে,
সেই হাওয়ারই আলিঙ্গনে, আমার শরীর শান্ত হবে।

যেমন করে, তারা জোড়া ভিজতে থাকে আকাশ স্রোতে,
তেমন করে, নামলে শ্রাবন ভিজবো জোড়ায় নিজের মতো।

তোমার তরে সাদার মায়া খুঁজবো একা হৃদয় ঘরে,
ঠিক যেভাবে, কৃষ্ণ খোঁজে জামিনী পুষ্প রাধার তরে,
ঠিক তেমন করে, কাঠ গোলাপে ভরিয়ে দেবো।

শ্বেত পদ্ব নাইবা দিলাম, গুচ্ছভরে মায়া নিও,
আমায় নাহয় স্মৃতির মতো, নিজের চোখে ভিজতে দিও।

যেমন করে মায়া ভরায় প্রকৃতির এই বিশালতা ,
ঠিক তেমন করে, কাঠ গোলাপে ভরিয়ে দেবো।

যেমন করে দীর্ঘশ্বাস বিচরিত হয় শরীর জুড়ে,
ঠিক যেভাবে, বসন্তকে কোকিল ভরায় নিজের স্বরে,
ঠিক তেমন করে, কাঠ গোলাপের সাদার মায়ায় ভরিয়ে দেবো।